



სსიპ საქართველოს ტექნიკური უნივერსიტეტის რექტორის
ბრძანება

ქ. თბილისი



MES 9 23 0001014508



21/08/2023

**ბაკალავრიატისა და ქართულ ენაში მომზადების საგანმანათლებლო პროგრამებზე
რეგისტრაციის ვადების შესახებ**

„უმაღლესი განათლების შესახებ“ საქართველოს კანონის 22-ე მუხლის, საქართველოს განათლებისა და მეცნიერების მინისტრის 2011 წლის 18 თებერვლის N19/ნ ბრძანების, „საჯარო სამართლის იურიდიული პირის - საქართველოს ტექნიკური უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული უნივერსიტეტის წესდების მე-14 მუხლის მე-6 პუნქტის „ვ“ ქვეპუნქტის, სსიპ – საქართველოს ტექნიკური უნივერსიტეტის სასწავლო პროცესის მართვის ინსტრუქციის, სსიპ – საქართველოს ტექნიკური უნივერსიტეტის აკადემიური საბჭოს 2023 წლის 27 ივლისის N01-05-04/125 დადგენილების საფუძველზე

ვ ბ რ ძ ა ნ ე ბ:

1. 2023 წლის ერთიანი ეროვნული გამოცდების საფუძველზე სტუ-ის საბაკალავრო და ქართულ ენაში მომზადების საგანმანათლებლო პროგრამებზე ჩარიცხვის უფლების მქონე პირთა პირველადი რეგისტრაცია განხორციელდეს 2023 წლის 4 სექტემბრიდან 15 სექტემბრის ჩათვლით მისამართზე - register.gtu.ge და რეგისტრაციისთვის საჭირო დოკუმენტაცია - (იხ. დანართი - 1) წარმოადგინონ შესაბამის ფაკულტეტებზე (საკონტაქტო პირები - იხ. დანართი 2;)
2. რეგისტრაცია გავლილი აბიტურიენტების სტუ-ში ჩარიცხვის შესახებ რექტორის ერთიანი აქტი, გამოიცეს არა უგვიანეს პირველი ოქტომბრისა.

3. ის პირი, რომელიც შესულია რანჟირების დოკუმენტში, მაგრამ ვერ მოხვდება რექტორის ერთიან აქტში სტუ-ში აბიტურიენტთა რეგისტრაციისათვის დადგენილ ვადაში დაწესებულებისათვის არმიმართვის გამო, უფლებამოსილია მიმართოს სტუ-ში ჩარიცხვის მოთხოვნით რექტორის ერთიანი აქტის გამოცემიდან მომდევნო წლის სექტემბრამდე. ამ გზით პირის ჩარიცხვა უმაღლეს საგანმანათლებლო დაწესებულებაში გამორიცხავს მოპოვებული სახელმწიფო სასწავლო გრანტის გამოყენების შესაძლებლობას;
4. დაევალოს ფაკულტეტს უზრუნველყოს register.gtu.ge - ზე ატვირთული ინფორმაციისა და რეგისტრაციისათვის წარმოდგენილი დოკუმენტაციის შემოწმება;
5. ჩარიცხვის პროცესის წარმართვა დაევალოს სტუ-ის სასწავლო პროცესის მართვის სამსახურის უფროსს თ. წერეთელს;
6. კონტროლი ბრძანების შესრულებაზე დაევალოს ვიცე-რექტორს ლ.კლიმიაშვილს;
7. ბრძანება განთავსდეს საქართველოს ტექნიკური უნივერსიტეტის ვებგვერდზე;
8. ბრძანება ძალაშია ხელმოწერისთანავე;
9. ბრძანების გაცნობა დაინტერესებული პირებისთვის უზრუნველყოს ფაკულტეტის სასწავლო პროცესების მართვის განყოფილებამ;
10. ბრძანება შეიძლება გასაჩივრდეს ძალაში შესვლიდან 1 (ერთი) თვის ვადაში თბილისის საქალაქო სასამართლოში (მდებარე: თბილისი, დავით აღმაშენებლის ხეივანი, მე-12 კმ, N64).

ვიცე-რექტორი
კლიმიაშვილი ლევან

ლ.კ.